

» Otopia, nella sua repubblica aerea? Perchè no se spieghela senza
» angustiar el Mazor Conseggio esitante nei so desiderj, e la Signo-
» ria che no sa indovinarla? Qual sorte de metodo novo, insolito?
» Lasciarò che i propona: taserò sempre? quando sarà proposto,
» opponerò, procederò sempre negativamente? Cosa vorla? Nessun
» lo pol indovinar. Mi no certo. La Signoria ha portà una proposi-
» zion solo accademicamente contendibile. Chi non ha politica, non
» ha da parlar de ste materie. L' oratoria o la dialettica diletta, la
» politica conserva i stati. Cosa hallo ditto della politica? Me appello
» a quei gran cittadini, che consumadi nei affari più ardui me ascol-
» ta. Elli ghe ne ha una profonda cognizion: elli ghe fassa fede, se
» gnente el ghe ne ha parlà. Se impone al Mazor Conseggio de
» Venezia; se ghe dà da intender, ch' el sia capace de reformar sti
» disordini de tutti i stati? Cosa per altro inaudita! Cercar de met-
» ter l'ambizion in testa dei omeni. Sta regolazion dipende prima
» dalla grazia de Dio; questa illumina l' omo e se fa regola alle sue
» azion dal corpo economico da infiniti rapporti, da infinite altre
» cose. Sto lusso, gravissimo argomento, s' ha ditto al Mazor Con-
» seggio ch' el poderia frenarlo. Ze piena l' Europa dei suoi rap-
» porti, de quanto opera el principe per frenarlo. Questo ze un
» Proteo; se ghe serra la porta da una parte, e l' entra dall' altra.
» Viveri, ministero. O i viveri ze capaci de regolazion separadi dal
» total, o una regolazion ze impossibile, massime in una metropoli.
» Con tutte ste difficoltà, come mai pol combinar restrizion de tem-
» po? El costume esige una matura, una perpetua legislazion, e el
» Mazor Conseggio no comanda impossibili. Che inaudite idee, che
» desiderj! El ga ditto, che ze offesa l' autorità dei corpi! Che ze
» demandade al Conseggio de X tutte le debolezze umane! Costu-
» me vol dir certo moderazion e disciplina. Come dunque fallo ste
» distinzion de parole? No semo a un discorso accademico, o pole-
» mico; semo a trattar de gravissimi affari davanti al sovrano della
» repubblica. Se ancuo gnente le prende, cosa dirà i esteri, cosa i
» sudditi de nu altri? I esteri, dopo aver sentido el comando, non